



**Quæstionum Canonicarum, In Quinque Libros
Decretalium, Tomus ...**

In Librum IV. Decretalium, per viginti, & unum Titulos distributum, De Sponsalibus, Et Matrimoniiis, eorumque impedimentis, ac dispensationibus,

...

Schlüter, Georg

Augustæ Vindelicorum, 1702

Articulus V. De matrimonio Reconsiliate.

[urn:nbn:de:hbz:466:1-73058](#)

dit qualitatem personæ, sed libertatem matrimonii, quæ etiam deficere potest, licet persona sit inhonesta.

§20. Not. 4. cùm puella, nolens consentire in matrimonium, fraude inducitur ad aliquem locum (aliás non itura) ibique vi detinetur causâ extorquendi matrimonium, committi raptum sub dispositione Concilii comprehensum. Nam per Raptorem hic intelligitur non is tantum, qui physice rapit, sed etiam, cujus nomine, petitione, vel mandato raptus fit; ita Pirhing de Raptoribus n. 23. aliunde, ut ponit casus, vis intercedit; Ergo.

§21. Not. 5. probabiliter dici, etiam eo casu talem raptum committi, si mulier robusta, vel autoritate pollens, causâ matrimonii rapiat Virum invitum, v.g. adolescentem timidum. Quia licet hoc decretum, ut dictum est supra, sit odiosum; imò & poenale, & solum loquens de Raptore, non Raptrice; adeoque non debeat extendi ultra expressa, ut vult Basilius Pont. l. 7. c. 69. & alii: hæc tamen locum non habent, quando ratio legis, prout acceptata à legislatore, porrigitur etiam ad non expressum; in dato autem casu ratio legis prout acceptata à legislatore, est libertas matrimonii, quæ & quæ paritur, si fæmina Virum, quam si Vir fæminam vi rapiat, causâ matrimonii; cùm expressio, quæ in Canone fit de Raptore, non respiciat sexum, sed vim, quæ fit rapiendo etiam renitentem ad matrimonium.

§22. Et quamvis Sanchez. l. 7. D. 13. n. 16. sentiat tanquam probabilius, non esse locum decreto Tridentini, ut fæmina rapiat Virum; nihilominus in eod. n. 16. etiam probabile dicit oppositum. Verba illius in cit. n. 16. prope finem hæc sunt: at retentâ opinione probabili (quam disp. preced. n. 24. retuli), nempe poenis decretis in Virum fæminæ raptorem, subdi fæminam Viri raptricem) dicendum erit idem in decreto Tridentini: atqui opinionem, quæ docet poenis decretis in raptorem, etiam subdi raptricem, Disput. preced. nempe 12. n. 24. Sanchez vocat valde probabilem; ergo juxta eundem dicendum erit idem in decreto Tridentini, nempe illi locum esse, si fæmina Virum rapiat nolentem, ut secum ineat matrimonium; & absolute af-

firmat Vincentius de Justis de dispensat. matr. l. 2. c. 18. à. n. 75. Haunoldus tom. 6. de Jure, & Iust. tr. 2. à. n. 549. §. mibi.

Not. 6. hoc impedimentum in illis solum locis procedere, in quibus Concilium Tridentinum receptum est; in aliis vero servari, quod iure antiquo statutum est, c. fin. de Raptorib. de poenis vero, quas Concilium statuit in Raptore mulierum, causâ matrimonii, tractari solet l. 5. tit. 17. De Sponsalibus autem inter Raptorem, & raptam, dum hæc est in potestate Raptoris idem, quod de matrimonio sentit satis communis: sed rationes, ex quibus affirmant, eorum opinionem non redundunt certam moraliter; minus improbabilem, oppositam, ut diximus à n. 128.

Not. 7. si petitur dispensatio in aliis solum impedimentis matrimonii, simul debere fieri mentionem Raptis, si intervenerit, & ex hoc impedimentum nascens duret; sic Vincent. de Justis cit. l. 2. c. 18. à. n. 33. Alias enim dispensatio subreptitia redditur, cum ipse raptus praeter impedimentum dirimens. Unde si delegatus oratricem repererit raptam, non poterit equi literas dispensationis alterius impedimenti; sed opus est noviter supplicare Pontifici, de quo V. Corradus cit. in prax. dispens. Apostol. l. 7. c. 6. à. n. 55.

ARTICULUS V.

De matrimonio Reconciliato.

Cum non raro contingat, matrimonium nulliter celebrari, consequenter indigere reconciliatione, seu revalidatione, priorem nullitatem auferendo, nullitas autem illa variis modis contingat, defectu veri consensus, ut cùm unus, vel ambo facte contrahunt; vel consensu per meum injustè extorto; vel conditione mentaliter apposita, nec impletâ; vel occulto impedimento; aut defectu praesentiae Parochi, & testium: quæstio est, quomodo ejusmodi matrimonia de facto, non iure contracta, licite, ac validè reconciliantur? Ut valida evadant, certum est, causam nullitatis auferendam esse; quia tamen circa hoc ipsum varia dubitationes occurrent, in sequentibus resolvenda veniunt.

§. I. Quæ-

§. 1.

Quomodo matrimonium irritum, ex defectu veri consensus, reconciliandum?

¶26. Prima dubitatio est, an si consensus, saltem in uno, fuit fictus, seu mērē simulatus, renovari debeat consensus ab utroque? an solum ab eo, cuius consensus antē defecit? Non est dubium, quod fictē consentiens debeat de novo internum suum consensum præstare; ex hujus enim defectu, ut ponit casus, nata est nullitas matrimonii; sed quæstio est. 1. an consensum internum, quem præstat volens ratificare matrimonium, debeat externè manifestare alteri? 2. an sciens nullitatem ex defectu sui consensus, teneatur matrimonium, præstato novo consensu interno, ratificare? 3. an sufficiat, quod solus fictē consentiens verum consensum præsteret?

¶27. Ad. 1. quæst. Resp. affirmativè; cùm enim consensus debeat acceptari ab altero per simulationem decepto, ad hoc, ut matrimonium evadat validum, ex n. 7. acceperit autem ab eo nequeat, nisi cognitus, consequenter notificatus, necessarium omnino est, consensum internum à simulatore in dato casu, quo matrimonium vult ratificare, verè præstari, & alteri manifestari. Ad hoc autem non exigitur, ut ei priorem fictionem manifestet; sed sufficit, si opportuna occasione illi conjugalem dilectionem suam aperiat, & quærat, an ita reciprocè diligat etiam nunc, prout aliquando in eum ferebatur.

¶28. Dices: hoc ipso, quod consensus externus à simulatore præstitus moraliter perseveret, dum etiam ponitur ab eo consensus verus, acceptatio alterius habet, quod accepterit; ergo plus in simulatore non requiritur, quām ut ponat interne consentium verum; & non retractaverit externum; & hoc tenere videtur Sanchez. l. 2. bīc D. 32. n. 11. sed Resp. N. ant. quia acceptatio ferebatur in consensum externum de præsenti præstitum in contractu; ergo id acceptavit, quod tunc fuit datum; sed tunc nihil fuit datum; & in id, quod postea ponitur, non fertur acceptatio; ergo tunc nihil fuit acceptatum; ergo ut habeatur legitima acceptatio, debet de novo fieri consensus externus sine

neuter

fictione, nimis vero animo alteri constitueri jus conjugale; ita Henriquez. l. 11. de matr. c. 12. n. 2.

Ad. 2. quæst affirmat Basilius Pontius l. 2. de 529.

matr. c. 5. n. 5. etiam in casu, quo mulier per talē fictionem nullum omnino damnum passa esset, quām defectum veri consensus in Viro, & (ut ait Gobat in *Theol. Experim. tr. 10. n. 411.*) contrariam opinionem Patris Sanchez. l. 1. bīc D. 11. n. 5. habet pro improbabili. Ratio illius est, quia ex promissione de futuro nascitur obligatio verum efficiendi, quod promittitur; ergo ex promissione præsenti nascitur obligatio, reddendi verum, quod afferitur: cū ergo afferat, *Ego te accipio in meane uxorem*, tenetur eam verè, & ex animo accipere; quia justitia obligat unicuique reddere jus suum; at conjugi verè consentienti debetur verus consensus, ut sic æqualitas servetur in contractu; ergo quousque, fictē consentiens, verè consentiat, prædictis obligationibus non satisfacit: sed contraria opinio immerito improbabilis reputatur; quamvis enim opposita sententia suadenda sit (ut ejusmodi deceptionibus locus non detur) doctrina tamen Patris Sanchez suā probabilitate non caret, ut recte observat Castropol. D. 3. de *Sponsal.* p. 7. §. 1. n. 2. pro ead. citans complures alios, præferrim, cū rationes in oppositum, nec evidentes sint, nec certæ ad suorum Authorum intentum. Nam prima ratio nihil aliud probat, quām fictē promittentem, graviter in tali fictione peccare contra veracitatem, imò & justitiam, quæ petit sincerè consentienti æquale præstari in conventionibus onerosis, seclusa causâ excusante à fictione, quæ quandoque revera potest adesse, ut nota Sanchez, dict. l. 1. d. 11. n. 2. sed hoc peccatum, seclusis aliis damnis, nullam post se relinquit obligationem iustitiae, ad satisfaciendum alteri per verum contractum; quia per illud nec retinetur neque acceptatur alienum, quæ sunt radices restitutionis. Mulier autem decepta æque libera manet, ac deceptor; contractus, utpote nullus, nullum in ejus ad verè contrahendum reliquit. Deinde sententia Patris Sanchez probatur. 1. quia fictē profitens non tenetur secluso scando lo verè profiteri. 2. alteri nullam irrogat injuriam fictē profitens, cū tali casu

neuter maneat obligatus. Nam licet ponas, alteri esse ius, ut sibi sincerè promittenti onerosè, vicissim sincerè promittatur, si hujus defectu patiatur damnum famæ, bonorum &c. secùs tamen est, ubi nihil horum sequitur; sic Hostiensis in c. Ex parte, deffonsalib. D. Antonin. p. 3. tr. 1. c. 1. & alii cum Sanchez. cit. n. 5. Si autem damnum aliquod mulieri per fictionem deceptæ natum esset, dubitandum non est, deceptorem, qui fraudes suâ, seu circumventione damnum dedit, in conscientia teneri ad illud reparandum. Sed sub lite est, an obligetur compensare, determinatè cum illa verè contrahendo? an sacrificiat alio medio sufficiens compensando. Non teneri determinatè ad compensationem primo modo, sed satisfacere alterutro, jam in superioribus à nobis dictum est.

§30. Ad. 3. quæst censem Sanchez. l. 2. b. c. D. 32. d. n. 9. & alii, non requiri, quòd, quando fiet consensio verum consensum præstat, alter etiam conjunx de novo consentiat; sed sufficere, quòd prior consensus, quem sincerè præsticit, moraliter adhuc perseveret; cum sufficiat, quòd utriusque consensus moraliter coexistat, ut dictum est: contrarium tamen exigit Lessius l. 2. de Jus. c. 41. d. 7. n. 16 quia negatur, priorem consentientis sincerè voluntatem adhuc moraliter perseverare; cum fuerit, vel expressè vel tacitè conditionata, si & alter verè sincereque consentit; quæ conditio ponitur non impleta. 2. quia ex parte sincerè consentientis nulla fuit acceptatio vera, cum ex parte decipientis nulla fuerit traditio vera. Accedit, quòd nec alter Conjunx deceptor dederit potestatem sui corporis, nisi sub conditione veri consensus reciprocè præsteti. V. n. 534.

§31. Confirmari hoc potest ex eo, quia quando uterque fiet consensio, per P. Sanchez. loc. cit. n. 11. debet ab utroque præstari novus consensus, quia utriusque consensio fuit omnino nullus, consequenter matrimonium perinde est, ac si matrimonium penitus non esset contractum, sicut quando consensio cadit supra materiam illegitimam; sed etiam quando unus fiet consensio, penitus non est contractum matrimonium (nam matrimonium intrinsecè constat mutuo duorum consensu

vero) & acceptatio cadit supra materiam illegitimam, nempe factam alterius promissionem, quâ nihil verè traditur; Ergo.

Si quæras: an in casu, quo fiet consensio ad matrimonium reconciliandum præstat verum consensum, requiratur in utoquè de novo mutuus consensus? Resp. eti Sanchez censem, sufficere consensum ejus, qui prius defecit, consensu alterius adhuc moraliter perseverante: dicendum tamen, requiri novum consensum utriusque; cuius ratio est, quia contraria sententia volens sufficere innocentis consensum habitualiter perseverantem, probat, nec in eo, qui externè, sed fiet consensio, requiri novum consensum externum, sed sufficere priorem habitualiter perseverantem, modò solùm internè consensum verum præster deceptor; at hoc dici non potest ex n. 530. ergo. Accedit, quòd non raro conjuges contractum à se factum cum tali, millies opent nunquam factum, & si fieri posset, nolint factum; quo casu matrimonii re ipsa irrita conditione subsistente consensus verè revocatur, esto cohabitent ex errore paupertatis, mutati non posse, quod in hoc casu fallit.

Nec obstat, in casu professionis invalidæ ob fictionem consensus in profitente, convalescere professionem, solà fictione remota per verum consensum, licet in Religione, cuius acceptatio ad valorem professionis exigitur, consensio acceptationis non renovetur; imò licet Religio nullitatem ignoret, ut colligitur ex c. significantem 11. de Regul. & c. 1. §. quod si eod. in 6. ubi ex gestatione habitus, vel non reclamatione contra professionem intra certos annos (ut habetur in Trid. Sess. 25. de Regular. c. 19.) professionis ratificatio presumitur, quin Religio novum consensum præstet.

Non, inquam, obstat; nam in hoc casu, ubi professio deficit propter defecitum consensus ex parte profitentis, ideo non requiritur in Religione nova acceptatio, cum professus verum consensum præstat, quia consensum, seu acceptationem Religionis supplere potest, & supplet Ecclesia, seu Pontifex, qui est superior omnium Religionum; ad consensum coniugalem nemo aliis, nisi contrahentes præsta-

præstare possunt, vel supplere. Si autem sermo sit de professione invalida non ex defectu consensū in profitente, nec in religione novus consensus necessarius erit impedimento recedente: cùm enim utrinque præstitus fuerit in principio verus consensus, licet adhuc inefficax ad producendum effectum vinculi, quo tenentur verè professi, & inefficacia solum nascatur ex defectu ætatis v. g. sublatu præcisè hoc defectu, manentibus cæteris, consensus prior non retractatus evadit efficax, ut dicimus infra.

Quare nos non dicere, consensus præteritum, licet non retractatum, *utique insufficientem*; v. g. quòd non sufficiat existentia solum habitualis. Nam consensum semel verè datum, & non retractatum, licet illi ex intervallo accedat alterius consensus reciprocus; & acceptatio (modò non sit nimium intervallum temporis, quo posito ambae voluntates non possunt coalescere in verum contratum) sufficere concedimus, ut etiam ostendi potest in aliis exemplis; c. fin. de Procurat. in 6. Nam consensus à Procuratore specialiter constituto ad contrahendum matrimonium, nomine constituentis præstitus, etiam altera parte consente, sufficit ad matrimonium, esto constitutio, seu consensus constituents tunc non ex stat in re, & formaliter, seu actu, sed physicè præterierit, modò interim non sit revocatus; & c. Cùm inter. 21. de electi, ubi; *et* electio facta dicitur, licet consensus electi primùm ex intervallo accedat, electione solum habitualiter perseverante, non obstante, quòd per mutantum consensus eligentium, & electi, quasi conjugale vinculum specialiter sic contractum, ut ait textus.

Vera igitur ratio, propter quam requiri in hoc casu novum consensus ex parte illius, qui consensit solum ore, non corde, est, quia sola verba sine animo se obligandi, in re nullam pariunt obligatiōem in vim contractū ex n. 87. & reliq. consequenter nihil verè, ac in re tradunt; sine vera autem traditione, quæ fiat corde, & ore, non stat matrimonium verum ex dictis supr. ergo, ut fiat matrimonium, ex parte illius, qui causam dedit huic nullitat, necessarius est consensus verus cordis. Et quoniam ubi nihil verè, ac in re

Tom. IV.

traditur, in re etiam nihil acceptari potest, acceptatio primi consensū ficti nulla fuit; præsertim cùm conditionata esse soleat, *severè promittas*, conditione eo casu non subsistente; cùm autem sine acceptatione promissio vera non sit matrimonium, & hæc antecedenter facta non sit, & fieri non possit, nisi acceptanti nota sit modo humano, nimirum signo externo; ideo, & in hoc novam acceptationem, & in illo consenſum, etiam oris, ad validè renovandum matrimonium requiri mus.

§. 2.

An revalidatio matrimonii, nulliter contracti, fieri debeat coram Parocho, & testibus?

Potissima quæstio est in casu, quo matrimonium nulliter celebratum est, propter latens aliquod impedimentum dirimens, & ea validatio fieri debeat novo utriusque putativi Conjugis consensu, ut dictum est n. 81. vel, ubi nullus fuit defectus ex parte consensus, sed solum inhabilitas juris positivi ex parte subjecti, novus animi consensus præstari debeat coram Parocho, & testibus, non obstante, quòd prius coram iisdem matrimonium, jam celebraverint? Paulus Comitolus l. 1. Respons. moral. q. 120. & Basil. Pont. l. 5. hic, cap. 6. universaliter affirman, quæsuscunque matrimonium, ante nullum, venovandum est; Navarrus autem lib. 4. Consil. de sponsal. Consil. 11. & alii, solum pro casu, quo matrimonium nullum fuit ex impedimento utrumque conjugem afficiente. Pro cuius sententie firmamento aliqui adducunt responsum Clemencis VIII. qui super hoc quæsitus, fertur respondisse, *etiam decepti consensum novum requiri coram Parocho, & testibus, pro casu, quo deceptor præstito vero consensu restaurare cupit matrimonium, ex defectu veri consensū in ipso, prius nullum*, ut refert Paulus Comitolus cit.

Verum Resp. generaliter nullum matrimonium ex aliquo impedimento occulto irritum, coram Parocho, & testibus celebratum, indigere præsentia Parochi, & testium ad sui revalidationem; sic Barbos. P. 2. de potest. Episcop. allegat. 32. num. 157. Sanch. lib. 2. hic D. 32. à. n. 13. & alii

alii graves authores cum Castropal. cit. §. 3.
n. 2. dicente, hanc doct. inam esse satis probabilem, & in conscientia tutam, atque securam V. dicta n. 482. Quia hoc non exigit decretum Tridentini, cuius intentio exigens presentiam Parochi, & testium in contractu matrimonii salva stat, licet in revalidatione non adhibeatur. Aliud enim non intendit, quam invalidare matrimonia inter duos contracta, de quorum expresso consensu Ecclesia per testes legitimos constare non poterat; unde fiebat, quod sepe veri conjuges ab invicem recederent, & alias adulterinas nuptias celebrarent, Ecclesiâ (utpote de prius contracto matrimonio ignorâ) non valente correctionem adhibere; at in dato casu id non contingit. Et ita expressè etiam tenet Pyrrhus Corradus l. 7. dispens. Apost. c. 7. §. matrim. inter se, dicens: quando alias servata est forma Trid. sufficere consensum secretò praestari ad matrimonii revalidationem.

538. Ad Author. Clement. VIII. respondet Gobat, in Theol. experiment. tr. 10. n. 419. illum non respondisse ex Cathedra, sed ut doctorem privatum; nec responsum eius esse legitimè publicatum; mod. Pium V. teste Navarro, Sanch. Coninch. Hurtado, & aliis apud Castropal. cit. n. 2. contrarium declarâsse, & sacram poenitentiariam frequenter istâ declaratione uti. Nec obstat Farinacius decision. 265. dicens, idem à Rota decimus esse, in favorem sententiae requirentis praesentiam Parochi, & testium, in revalidatione matrimonii. Nam in eo casu impedimentum non erat latens, seu occultum, sed probabile; & sic matrimonium nec apparetur validum. Accedit, quod licet illa decisio fore authenticæ, & de impedimento penitus occulto loqueretur, plus non haberet, quam rationem sententiae gravis authoris; nec illam nos sequi cogeret, quia vim legis non habet, cum ei deficiat publicatio; sic Castropalaus cit. num. 5.

539. Dices: quando dispensatur in impedimento occulto, ad revalidandum matrimonium, apponi solet hæc clausula: si ita est, cum eis, ut inter se, & servata formâ Tridentini contrahant, dispenses; ergo etiam in revalidatione matrimonii requiritur observatio formæ à Tridentin.

præscriptæ. Resp. servandam omnino esse, si prius servata non fuit, cuius contrarium supponit casus propositus. Carterum in illis dispensationibus, ea clausula non apponitur, ut forma, & conditio, sed solum ut admonitio, ut observetur, quod de jure servandum est, ut norat Pyrrhus Corradus l. 7. dispens. Apostol. c. 7. n. 17.

Quæstio est, an saltem in ipsis contrahentibus, post sublatum impedimentum requiratur novus consensus, esto is non amplius præstetur coram Parochio & testibus, si eum jam prius, licet nulliter propter latens impedimentum coram illis præstiterunt? Resp. si consensus mutuus cordis, & oris, jam præcessit in facie Ecclesiæ, & solum extrinsecè impeditus, quo minus præstiterit verum matrimonium, nec interim revocatus est, sed moraliter perseverat, etiam sublatu impedimento, valde probabile videri, nec in ipsis matrimonium revalidantibus requiri novum consensus. Si enim duo nulliter contraxissent ex defectu ætatis, & hoc defectu sublato habitualiter perseverarent in priori affectu, matrimonium evaderet validum sine omni alio. Sic si pubes cum impubere contraxit, licet nulliter ob defectum ætatis occultum, ætate adveniente matrimonium valet, modò impubes, factus pubes, consensus non retractet, & pubes etiam in priori voluntate perseveret.

Dices: prior consensus fuit invalidus; consensus invalidus non facit matrimonium; ergo prior consensus non facit matrimonium: facilè respondetur distinctione: fuit invalidus privativè, & solum extrinsecè, ex mera absentia ætatis; C. invalidus positivè, seu intrinsecè, ex quadam contrarietate cum matrimonio; N. maj. ex consensu autem invalido merè privativè, & solum extrinsecè bene potest nasci matrimonium, si tollatur illud extrinsecum, nimisrum defectus ætatis; ut diximus num. priori; ergo. Aliud est, si foret positivè, seu intrinsecè invalidus seu ineptus; tunc enim nec sublatu impedimento sufficeret ad matrimonium validum.

Res explicari potest exemplo Theologico ex communi argumento, quod ab illis, qui negant, lumen gloriae suppleri posse per consensum DEI solum extrinsecum,

cum, quod sic proponitur: intellectus creatus ex se est improportionatus ad vindendum DEUM, sicut est in se; ergo, ut videat DEUM, sicut est in se, debet per aliquid sibi superadditum reddi proportionatus in se; ergo nequie per aliquid merè extrinsecum. Nam ad hoc communiter respondeatur, intellectum esse intrinsecè improportionatum, ut suis tantum viribus videat DEUM, sicut est in se; & hoc intrinsecam improportionem tolli non posse per ullum superadditum sive extrinsecum, sive intrinsecum; non autem esse intrinsecè, sed solum extrinsecè improportionatum, ut suis, & alienis viribus videat DEUM, sicut est in se; & sic omnino debere proportionatum reddi per aliquid superadditum, nimurum ut tollatur defectus alienarum virium, ut, praeter suis, habeat etiam alienas vires; hoc autem fieri potest auxilio alieno sive intrinsecō seu inhārente, sive extrinsecō.

Similiter se habet consensus mutuus, ceteroquin habens omnia, quæ pertinent ad verum consensum cordis & oris; sed quia deest habilitas subjecti, proter annexum illi impedimentum, non potest formaliter præstare matrimonium, quæ insufficientia potest provenire vel ex defectu intrinsecō ipsi consensu, vel solum extrinsecō. Hinc nullius accessione fieri potest sufficiens, cum laborat intrinsecā insufficientia, & ineptitudine, sicut dicitur de intellectu; benè tamen, si insufficientia solum sit extrinsecā. Ex hoc ergo colligitur, quando consensus mutuus ex se, & intrinsecè, seu jure naturali, non est ineptus ad valorem matrimonii, sed solum extrinsecè ex defectu alterius, quo presente præstaret matrimonium, non requiri sublato impedimento, sed defectu illo extrinsecō, novum consensum, sed sufficere priorem coram Parocho, & testibus præsticum, habitualiter perseverantem; quia tunc nihil deest ad contractum omnino validum.

543. Causa esse potest, si matrimonium nulliter contractum est propter consanguinitatem, affinitatem, justitiam publicam &c. hac enim faciunt consensum mutant, ceteroquin nullo defectu juris naturalis laborantem, solum extrinsecè insufficientem, & sufficiens reddi potest, præcisè sublato eo impedimento: secus

Tom. IV.

est, si sit insufficientis intrinsecè v. g. conceptus ex errore, vi præcisa, metu, vel sub conditione contra substantiam. In his enim casibus, nec sublato tali obice desinit esse intrinsecè insufficientis. Unde in his requiri novum consensum sublato impedimento, omnino concedo.

Si dicas; ergo etiam in casu, quo unus 544*fictè* consensit consensu extero, nimurum sine interno, sufficiet revalidationi, si simulator internè consentiat, consensu extero habitualiter perseverante; sed hujus contrarium dictum est supr. ergo; illatum probatur; quia si adfuerit consensus internus, matrimonium tenuisset; ergo quod non tenuerit tunc consensus externus, solum est ex defectu consensus interni; sed sic insufficientia consensus externi est ex defectu solum extrinsecō; quia immutato consensu extero, positione solitus interni, tolli potest; ergo. Resp. N. illatum; ad probat: daco anteced. dist. conseq. ergo quid non tenuerit tunc, solum est ex defectu consensus interni, sine quo nullum esse potest pactum C. sine quo adhuc habetur pactum contrahentium. N. consi ubi adest purus duorum consensus, habetur pactum; ubi autem tantum unius, non habetur pactum: at ubi habetur pactum, non est defectus in contractu, qui surgit ex mutuo consensu carente vitio afficiente consensu internum; secus, ubi non est; ergo ex casu, ubi contractus est nullus non defectu consensu mutui; sed defectu consensu in uno, ab illo ad hoc non rectè arguitur.

Igitur matrimonium externè contractum, sed nullum ex defectu interni consensus saltem in uno, cum matrimonio externè contracto, non tamen nullo ex defectu consensus interni in illo contrahentium, sed solum propter latens impedimentum non naturā, sed dispositione juris dirimens, in hoc convenit, quid utrobiisque adsit pactum, seu contractus externus; sed in hoc disconvenit, quod hoc non careat constitutivis formalibus pacti, seu contractus inesse pacti, & contractus, nimurum cordis, & oris; secus illud, & ideo in illo non deficiat conventio, & traditio mutua, quæ est de substantia, & jure naturali hujus contractus; secus in isto: ex hoc enim sit, quid in casu matrimonii facti debeat contractus

tractus de novo celebrari, cùm nondum corde & ore posita sit vera datio, & acceptio; secùs in casu matrimonii corde & ore celebrati; nam h̄c non deficit datio, & acceptio.

§. 3.

Qualiter matrimonium irritum propter latens impedimentum reconciliandum?

546. Quæstio est, an ad matrimonii revalidationem in hoc casu sufficiat impedimentum esse legitimè ablatum, quin de novo præstetur consensus? an in utroque novus consensus requiratur? Henriquez. l. II. de matr. c. 3. n. 6. & alii docent, sufficere, quod sublato impedimento unus conjugum in dato casu ab altero petat, ut se in conjugem recipiat, ipseque annuat, & cum eo affectu ad alterum accedat, licet ignorantum hujus nullitatis, nec compertâ veritate consenserunt; quia sic consensus praefatur ab utroque, dum sunt habiles. Alii verò dicunt, hoc non sufficere, sed requiri, quod uterq; conjunx, aliquo modo certior factus de nullitate sui matrimonii, de novo consentiat, nisi gravia inconvenientia timeantur, si conjugi de nullitate matrimonii suspicio oriretur, prout frequenter timeri potest. P. Sanchez. D. 36. n. 3. Pontius l. 8. tr. 4. c. 7. §. 2. d. n. 3. Castropalus tract. 28. D. 2. p. 7. §. 2. n. 3. & alii, licet concedant, non requiri, quod ei fiat notitia de causa nullitatis: requirunt tamen, quod alteri fiat notitia nullitatis: sed neutrum requiri, sive nullitas proveniat ex defectu consensus in uno, sive propter impedimentum uni, vel utrique contrahentium ignorantum, tenent Innocent. in c. 1. de eo, qui duxit. n. 1. Sotus in 4. dis. 28. q. 1. a. 2. & dis. 29. q. 2. a. 1. Rodrig. in Summa tom. I. c. 220. n. 2. Henriquez. l. II. de matrimon. c. 3. n. 6.

547. In hac controversia dicendum. 1. requiri novum consensus, in utroque sublato impedimento, si prius præstitus non est in facie Ecclesiae, ubi id requiritur. Prior enim consensus mutuus & acceptatio mutua nulla fuit, non tam propter personarum contrahentium inhabilitatem; & defectum tacite conditionis in quovis contractu imbibita; quam ob de-

fectum formæ à Trident. præscripta. An autem idem dicendum sit in casu hujus formæ servata? diximus n. 537.

Dicendum. 2. ad novum il'um con. 548. sensum non requiri notitiam vel suspicio-nem ab solutam de nullitate sui matrimo-nii. 1. quia consensus sub conditione re-validandi matrimonium, si prius ex ali-quo capite nullum fuisset, non exigit notitiam, vel suspicionem absolutam de nullitate matrimonii; sed ille consen-sus sufficit ad revalidandum matrimo-nium sublato impedimento, prius nullum ex ejus præsentia, alias enim nec va-leret, licet gravia inconvenientia time-rentur. Nam horum justus metus non potest supplere consensum substantialiter requisitum in matrimonio; ergo. Igitur si sciens impedimentum, disponat igno-rantem, ut sublato impedimento vere noviter consentiat in ipsum, sub condi-tione, si prius ex aliquo titulo nullum fuisset matrimonium, & simul etiam ipse consentiat, validum evaderet matrimonium, non ex solo consensu (qui fiat solo facto & solū præsumptus est) sed verè dato, ab ignorantie nullitatem matrimonii. Nec dicti potest, eum, qui de sui matrimonii nullitate nullum dubium vel suspicionem habet, non posse in illud consentire animo, illud validum efficiendi, quia credit jam esse validum. Nam cum hac fide, quā credit, esse validum, stare potest intentio, si ex latente causa fuisset invalidum, redi-endi validum, quantum per se stat.

Dices: quando matrimonium rati-549. ficatur propter defectum consensus ex parte mulieris, necessarius est consensus ex parte utriusque, admonito Marito de matrimonii (quam ignorat) nullitate: sic enim respondit Clemens VIII. ut refert Pontius l. 4. bic c. 24. n. 4. & alii; & idem servat Penitentiaria in forma concidi so-lita pro revalidando matrimonio nullo, ex impedimento occulto, ibi: muliere de prioris consensus nullitate certiorata, ut videri potest apud Gobat in Quinario. tr. 5. c. 37. n. 141. Resp. vel per hæc testimoni-a volunt evincere, quod consensus, ma-trrimonio necessarius, præstari ex natura rei non possit, sine notitia de nullitate, prioris contractus? vel solū, quod di-spensationis facultas non aliter conceda-tur, & quodammodo sub conditione sine qua

gut non? vel demum, solum ad majorem tranquillitatem eorum, qui prius nulliter contraxerunt, si forsitan ex intervallo contingere conjugi, qui ponitur nullitatem ignorare, notitia illius fieret? ex duobus primis nullum dici potest, ut mox patebit; ultimum autem bene fieret, si commodè posset, citra alia, quæ sequi possent, mala, si alteri, qui fuit in bona fide de integritate sui matrimonii, nullitas aperiretur; nec aliud in dictis testimoniis intendi videtur in iisdem insinuatum, ut patet in formula Poenitentiariae cit. ut, *si visum fuerit*, cum labore, muliere de nullitate prioris consensus certiorata, misericorditer dispensetur: ubi notandum, *si visum fuerit*, qui termini nec præcepunt denotant, nec conditionem sine qua non? ergo ex his non sequitur, consensum matrimonio necessarium non posse prestatu ex naturae, sine notitia de nullitate prioris matrimonii; sed nec dici potest, quod facultas dispensandi non alter concedatur; quia solum dicitur, ut muliere prius certiorata de nullitate dispensetur, *si visum fuerit*, nimirum expediens, ut ei prias haec notitia fiat; ergo non ponitur tanquam conditio, sine qua non; in modo, si sine periculo aliorum malorum ex notitia nullitatis prudenter metuendorum fieri non possit, omnino omitti potest.

550. Dices 2. consensus, renovando matrimonio necessarius debet procedere ex intentione contraetendi matrimonium; sed consensus ignorantis nullitatem matrimonii, hæc intentione non procedit. 1. quia, cum sibi persuadeat, matrimonium suum prius contractum, esse validum, simul sibi persuaderet, non amplius se posse facere matrimonium, sed tantum prius contractum habere ratum; at haec ratihabito nullum potest habere effectum, quia cum prius matrimonium nullum sit, ratum haberi non potest. Resp. N. min. Ex hoc enim, quod ignorans nullitatem matrimonii prius contracti, persuadeat sibi, contractum illum fuisse legitimè factum, non sequitur, quod non possit consentire in jus sui corporis alteri constituendum sub conditione, si forsitan in priori contractu defectus aliquis interveniet, quia defectus ille, ut ponit casus, jam non extat, ut diximus.

P. Joannes de Cardenas in Crisi Theol. §51. ad propositiones ab Innocent. XI. damnatas, dissert. 2. c. 8. a. 13. q. 3. ad. 1. propos. proponit hanc questionem: *an opinio afferens, matrimonium invalidum posse revalidari, etiam si alteri conjunx sit inficius nullitatis, subjaceat damnationi contra primam propositionem ex damnatis ab Innocent. XI.* quæ sic habet: *Non est illicitum, in Sacramentis conferendis, sequi opinionem probabilem de valore Sacramenti, relicta tute, nisi id vetet lex, conventio, aut periculum gravis damni incurriendi.* Hinc sententia probabilis, tantum utendum non est in collatione baptismi, ordinis Sacerdotialis, aut Episcopalis: ad eandem questionem responderet: *eam omnino subjaceat buic damnationi quoad proxim, si loquatur extra casum extremæ necessitatis.*

Ratio ipsius est; quia licet matrimonium celebratum juxta opinionem probabilem, ex omni parte sit indissoluble, & certò validum; id tamen locum habet tantum, quando opinio est communiter recepta, tanquam probabilis; non vero, quando est tenuis, aut dubia probabilitatis; atqui opinio afferens non requiri notitiam nullitatis est opinio tenuis, aut dubia probabilitatis; ergo matrimonium, celebratum juxta illam, non est certò validum. Minorem probat. 1. ex P. Sanchez. l. 2. hic D. 26. n. 7. dicente: illam opinionem, de qua controvertitur, esse parvum probabilem, & habere contra se rationes urgentissimas. 2. quia notitia nullitatis, facienda impedimentum ignorantis, exigetur à Sacra Poenitentiaria, dum facultatem dispensandi concedit, cum reliquis, quæ attulimus à n. 549. ergo.

Sed Resp. probabilius esse, dictam do-

ctrinam nullo modo subjacere damnationi quoad proxim, etiam extra casum necessitatis, saltem vi probationum, quibus utitur Cardenas. Nam omnes valde probabilem habent solutionem; &, cum inducant extensionem decreti indefinite loquentis, ad casum, quem non nisi modicatum ejus Patroni, ac defensores tenent, non rectè concludunt. Accedit, quod juxta principia hujus Authoris, ut aliqua propositi, ex vi alterius damnata, censetur damnata, debeat illa illatione, certa & evidenti inferre damnatam, aut inferri ex illa; at, an hoc praestet ratio

Authoris? mihi sanè non videtur, si præmissæ considerentur. Igitur ad argumentum in n. priori Resp. trans. major; N. min. Prima hujus probatio, ex P. Sanchez de sumpta, intentum non probat; præterquam, quod Sanchez in eo loco l. 2. de matrim. D. 26. n. 7. de hoc nihil omnino habeat; & aliud sit, esse parum, ac esse tenuiter probabilem absolute. Ad alteram autem probationem jam responsum est supr.

§ 53. Dixi, transcat major; quia ex capitibus multis negari potest; sed iis prætermisis, Resp. eodem modo sequi, damnationi subjacere dictum Patris de Cardenas, si valet ejus argumentum, quod contra alios facit in casu proposito. Nam si stet propositio damnata, ut jaceat, *nec usus opinionis probabilis de valore Sacramenti, licet sit communiter recepta rā quam probabilis, licebit, quod tamen negat Cardenas.* Ratio enim, ex qua negat hanc propositionem suam, stante illâ prohibita est; quia propositio illa prima solum damnatur sic indefinitè, prout jacet, prolata; non autem si modifica ta ad casum urgentis necessitatis, vel quando usus opinionis probabilis est opinio nis communiter recepta, ut probabilitas: at etiam doctrina, quæ docet revalidari matrimonium præstito consensu, sine notitia prioris nullitatis, talis est, ut sequatur ex illa propositione, non sic indefinitè prolata, sed modificata; Ergo.

Min. prob. nam hæc propositio: non est illicitum in conferendo Sacramento pa nitentie, vel matrimonii, sequi opinionem probabilem de valore Sacramenti, quando probabilitas versatur circa id, cuius defec tus suppleri potest ab Ecclesia, non est eadem cum illa, quæ damnata est; cùm damnata loquatur indefinitè; ista autem valde restrictè. Secundò hæc propositio (non obstante illâ damnatione primæ propositionis) etiam extra casum necessitatis, ut licet opinione probabili de valore Sacramenti, quando obligatio procurandi majorem certitudinem, effet plurimis scrupulis, vel gravi difficultati in suscipiendo, vel conferendo Sacramento obnoxia, non est eadem cum damnata, cùm hæc sit plurimum modificata; at ex ipsis tantum, non autem ex ea damnata, sequitur doctrina dicens in nostro casu, non requiri notio

tiam de nullitate matrimonii, quod prius contractum erat; ergo. Quod autem non obstante damnatione primæ propositionis, de qua n. 551, hæc dux, sic modificata, non subjaceant eidem damnationi, admittere cogitur ipse Cardenas in plurimis casibus, de quibus loco cit. pæferrim a. 13. q. 1. à. n. 636. & seq. & no vissim docuit P. Illsing. in Theol. pract. tr. 1. D. 1. a. 7. §. 1. n. 77.

Dixi etiam, nego min. in n. 552. & 554 quidem quoad illud, quod sententia contraria (quæ docet ad validè ratificandum matrimonium, nulliter contractum defectu consensu, non requiri in altero, absolutam notitiam de nullitate matrimonii) sit tenuis probabilitatis, cùm non destituatur suis gravibus fundamentis, ut constat ex n. 548. & rationes contrariae nullo modo sint, ut dicitur urgentissime; ergo immeritò dicitur, tenuis probabilitatis. Cujus ulterior ratio est; nam juxta ipsum Patrem de Cardenas cit. dissert. 4. c. 3. n. 16. Hi duo termini, tenuis probabilitas, si tenuis accipiatur propriè, important contradictionem, aut contrarietatem inter se. Nam vera probabilitas importat fundamentum grave, impellens intellectum ad assentum; tenuitas quoad probabilitatem, importat tenuitatem, & levitatem fundamenti, adeoq; petit fundamentum non grave. Hinc de quo dicitur, quod sit tenuis prudentia, vel scientia, vel tenuiter circumspectus, manifestè notatur defectus prudentie. Ergo tenuis probabilitas notat defectum gravitatis in motivo talis opinionis; talem autem defectum nullum habet ea doctrina, ne quidem ex mente Patris Sanchez. in n. 551. Ergo.

Nec video, quomodo stantibus pro illa rationibus, quibus eam defendunt sui Authores, negari possit, esse faltem probabiliter probabilis. At sic immoritò Cardenas vocat tenuiter probabilem. Nam ex hoc, quod aliqua opinio sit solum probabiliter probabilis, non sequitur, quod hoc ipso sit solum tenuiter probabilem. Sic ipse Cardenas cit. dissert. 4. c. 2. à n. 10. contra Raymundum Lumbier tom. 3 Summa à n. 1737. & Emanuel: de Filguera in Lucerna decretali ad exposit. 3. proposit. ab Innocent. XI. damnata, citatos ibid. n. 10. & 14. Opinio enim probabiliter probabi

His in utroque termino explicat gravitatem absolutam in motivo; non autem tenuiter probabilis, ut dictum est n. priori. Et ideo falsum est, quod opinio probabiliter probabilis, & opinio tenuiter probabilis, idem sint.

⁵⁵⁴ Adid, quod n. 544. adducitur ex stylo Penitentiarie, et si satis copiosè responsum sit ibid: & seq. illud adhuc addo, dato, quod ex stylo probabiliter, imò probabilius sic exigetur, ut consequenter ex eius defectu invaliditas matrimonii nascetur; cum tamen verè probabile sit, non desiderari eam nullificatis in altero notitiam, adhuc tamen non subiacere damnationi, ut vult Cardenas. Ratio est, quia sententia, quæ dicit non esse illicitum, in Sacramento matrimonii uti opinione probabili circa valorem, quando periculum invaliditatis tantum oritur ex conditione per Ecclesiæ ratificationem supplebili, non subiacet damnationi, ex n. 553, sed opinio docens in dato casu, non requiri in altero notitiam nullitatis solum docet, quod non sit illicitum in revalidatione matrimonii, omittere notitiam alteri faciendam de nullitate matrimonii prius contracti; cum periculum invaliditatis (si quod est omnia è notitia) solum oriatur ex conditione per Ecclesiæ ratificationem supplebili (nam opposita sententia se potissimum fundat in stylo Penitentiarie) non autem ex natura rei, probatum est n. 544. Ergo.

ARTICULUS VI.

De matrimonio ex Morganatica contracto.

⁵⁵⁵ Pereyra in Elucidario n. 1608. ait, legem Morganaticam apud Mediolanenses eandem fuisse, que alibi Salica nuncupatur; hæc lege inibantur quandoque matrimonia à Viris illustribus, qui, postquam liberos habuerunt ex nobili coniuge, post mortem eius non valentes continere, & nolentes existere in peccato, aliam minus nobilem, vel inferioris conditionis duxerunt, ac verè desponsarunt eō pacto, ut Uxor, & liberi, exinde nati, abstineant à bonis reliquis paternis, & aviticis, taliisque, dignitatibus, & insignibus eorum, contenti certa portione bonorum

ipsis destinata in Sponsalibus, vel donatione propter nuptias, aut Morgengabe. Hoc enim erat accipere uxorem ad Morganaticam, ut habeatur L. 2. Feud. Tit. 29. de filiis natis ex matrimonio ad Morganaticam contracto; junct. gloss. litera a.

Tenor dictæ constitutionis cit. tit. 29. 557. sic habet: quidam habens filium ex nobili coniuge, post mortem ejus non valens continere, aliam minus nobilem duxit: qui nolens existere in peccato, eam disponavit, eæ lege, ut nec ipsa, nec filius ejus amplius habeant de bonis patris, quād dixerit tempore Sponsaliorum: verbi gratia, decem libras; vel quantum voluerit dare, quando cam disponavit: quod Mediolanenses dicunt accipere uxorem ad Morganaticam: alibi, lege salvâ: hic filii ex ea susceptis deceffit; isti in proprietatem non succedunt; aliis extantibus: sed nec in feudo, etiam aliis non existentibus, qui licet legitimi sint, tamen in beneficio minime succedunt. In proprietate vero succedunt patri, prioribus non existentibus; succedunt etiam fratribus sine legitima prole decedentibus secundum usum Mediolanensem.

Ex hoc textu habetur; ejusmodi liberos ex matrimonio ad Morganaticam, contracto natos, in proprietatem non succedere, aliis extantibus; nec, licet essent legitimi, in feudo, vel beneficio: si tamen patens deceffit, prioribus non extantibus, succedere ei in proprietate; & fratribus sine legitima prole decedentibus. Talem aliquando legem, & matrimonia fuisse in usu apud Allemanos, ibid. colligitur ex gloss. cit. ubi additur, hæc etiam lege posse purum legitimari. Matrimonium sic celebratum Politici quandoque nominare solent Matrimonium conscientiae; quod quidem recte dicitur, si non sit concubitus palliatus, seu in re solutus, & solum vestitus nomine matrimonii, his præmissis.

Quæstio est. i. an ejusmodi matrimonio lega Morganatica, vel Salfca, aut etiam Allemanorum, seu Francorum. (ut ait gloss. cit.) inter Christianos valde illustres licet contrahantur? Resp. quod sic. Nam ex fine suo honesta sunt; ut constat in explicatione dictæ legis, omnia matrimonii substantialia servantur. Uxor legitima est, nati legitimi, & portio illis in ali-